

É GROË.

Na kerrèd ur mitin ! ... En hiaul e splann én néan,
Er poussinèd e lar ou sonenneu vrañian ;
Bod-lann, bruk ha benal e zou samet a vleu,
Hag idan er bléad é ma glas en doareu.

Ihuél a drest er mor, ar en aod azéet,
Idan splandér en hiaul souèhet-on é huèlet
En doar, er mor, en néan get ol ou braüité !
O Groé, bro Sant Tudy, na kerrèd e oès-té !

Én dro d'ein rehér du, ou fenn saüet ihuél,
Doh kounar er mor bras é tihuenn Bréh-Izél.
Get en deur, en aüel kignet int ha daibret :
E mar-à léh er mor en dès int diskàret.

« Dalhet mad, rehér kouh, dalhet, rehér mem brö,
Kleuet en houlenneu é hudal tro-ha-tro !
Dalhet eit goarantein hun tiér, hun parkeu
Hag en Hosti santél kuhet én llisieu. »

Ar er mor, a vitin, aüél kloar e huéhé,
Boutet ha burtellet en deur e vransellé ;
En houlenneu duhont e saü ihuél ou fenn
Hag èl un armé vras é kerhant a vandenn.

Sellet int é tonnet, é ridek, é punéin
Ha doh er roh ihuél get kounar é krapein,
Ou fenn é chuménein betag el lein e saü
Hag hum flastr é trouzal. Er roh e zalh atañ,

É kleuet trouz er mor hanval doh huannadeu,
Chonjal e hrèn kleuet boèh skontus en ankeu
Ha klemmeu truhéus er gèh martelodet
E creis ur bår arnan burtellet ha collet.

« O mor bras, lareit d'ein perag ne hoès truhé
Doh er peur moraér é hounid é vuhé ;
A groèdur e hoès con ha douget ha mäger :
Mam dinatur, bermen perag en er lahet ?

« Truhé, mor eri, truhé doh er héh marteloù,
Distinet hou cōunar, rag duhont, ar en aod,
Ur vam ha bugalé get hirrèh e horta
Un tad, ur breur càret e rei dehé bara.

—
« Intron Santès Anna, ken càret get Groëis,
El hou Merh, er Huirhiès, goarnet en Arvoris ;
Dalhet hui er varren é creis er goal amzér :
Er mor e zo ken bras, ou bageu ken distér ! »

†

—
« Neoh, idan me zreid, tri croèdurig, tri breur,
En ur vagig vihan é zou oeit ar en deur ;
Chetu int é ruannat ; er vag e zou ker scan
Ma saù ar en houlenn hanval doh ur goulan.

—
« Dihoallet, bugalé, dihoallet a fari !
D'en oèd-cé, get er mor n'en dé quet mad hoari.
Er vâg ne sènta quet doh divrèh ur hroèdur,
Red-é dehorn calet aveit derhel er stur.

—
« Er mor e zou traitour hag idan en deur glas
Tostig-tra d'er bageu kuhet é rehér bras.
Deit én dro, bugalé, rag duhont a vandenn
Sellet en houlenneu hanval doh devet giùenn.

—
« Troeit er stur ha chonjet én hou mam glaharet
E huannad é hortoz hi bugalé càret.
Kèh vam ! get en ankin abred é varuché,
E hoari get en deur, mar collet hou puhé ».

—
« Aben d'er porh Tudy chetu int é tistroein,
Ou halon læn a joé cleuet int é càncin :
« O Rouànnès en Arvor, ô Mam læn a druhé,
« Ar en doar, ar er mor goarnet hou pugalé ».

—
F. Falquerho.

—
imp. V^o J. Noël.